

MEDITATIO
DE
VALETUDINE
HUMANA

AD
OBTINENDUM DOCTORIS MEDICINÆ
TITULUM ET PRIVILEGIA
PROKERUM NUTU ATQUE
DECRETO
IN ALMA RAURACORUM
ACADEMIA
DIE X OCTOBRIS M DC LXXXI
ERUDITORUM EXAMINI
PROPOSITA

A

OH. CONRADO PEYERO
S.R.I. ACADEMIÆ NATURÆ
CURIOSORUM SOCIO
COGNOMINATO PYTHAGORAS



BASILEÆ TYPIS JACOBI BERTSCHII
M DC LXXXI.

NOBILISSIMIS VIRIS
JOHANNI CONRADO PEYERO
MADIANÆ VALLIS INALPINÆ
XII PAGICÆ
EX-PRÆFECTO PROVINCIALI

JOHANNI CONRADO ZIEGLER
COHORTIUM EX VETERANIS
PUBLICARUM UNIUS
CENTURIONI

AMPLIORIS CONSILII PATRI
SENATORIBUS MERITISSIMIS
PARENTI ET C.B. DEO SOCERO
AMORIS HONORIS ET OBSEQUI
OMNIGENO CULTU
RELIGIOSE SIBI DEMERENDIS
MEDITATIONE ISTA AUGURALI
SECUNDA QUÆQUE AUGURARI
SEQUETE ET STUDIA SUA PIGNORARI
VOLUIT UTP DEBUIT

AUTOR

BASILEÆ X OCTOBRIS
M DC LXXXI



JOHANNIS CONRADI PEYERI MEDITATIO

de

Valetudine humana.



Uod medici est fortunante Deo agere decrevimus , & curare pro virili parte mortalium valetudinem : quandoquidem hoc unum doceat & jubeat medicina artium nobilissima , cui studia & facultates nostras consecravimus . || Per valetudinem autem intelligimus corporis animique eam constitutionem qua homo dum vivit utitur , sanitatem puta & morbos : nam hoc sensu vox priscis quoque Latinis usurpata legitur , sed plerumque adhibito discrimine , ita ut sanitatem quidem indicaturi bonæ , prosperæ , secundæ , epitheton adjicerent ; ægritudinem vero expressuri malæ , sinistræ , adversæ , cognomenta . || Cæterum ad intelligendam valetudinis naturam totius hominis notitia requiritur , compositi è substantiis duabus plane differentibus , anima sive mente immateriali & corpore

extenso ac divisibili. Animæ per philosophiam certiores nos facit sensus & consulta ratio, tum si meditatio accesserit conscientia. Corporis vero strukturam pandit anatomia, aucta hactenus utiliter & præclaris inventis plurimis ornata, at nondum perfectionis summæ particeps. Imo quia opifices nostri haut sumus, & sensus externi ad conservandam vitam præcipue faciunt, fieri vix poterit adhibita quacunque diligentia ut fabricæ tam stupendæ miraculum latensque configuratio penissime cognoscatur. || Potuisset equidem homo perpetua incolumentate frui, quippe qui ad felicitatis possessionem creatus & ad conservandum sese in ea requisitis omnibus à Deo instructus fuisse intelligitur: at ipse turbato rerum ordine animum à fruitione summi boni petulanter abstractum corpori mancipavit, atque adeo mutationibus palam ingruentibus & ægrimonias innumeras & omnium tetricum mortem sibi posterisque accersivit. Nam præclare Augustinus: *sub justo, inquit, Deo quisquam nisi mereatur miser esse non potest.* || Itaque primis tantum parentibus ante labrum integerrima valetudo affulsit: corpori namque eorum optime conformato temperatoque domina præfuit anima, pendens tunc temporis à nutu & consiliis veritatis æternæ, fallere neciæ. Quamobrem & vehementiores objectorum impetus corpori damnum illaturi animæ imperio protinus cohibiti sunt, ne valetudo secunda labaceret, & sensus fidelissime præstiterunt omnia ad conservandam vitam necessaria. Quo in statu homines medicina nulla indigere nullisque medicis. || At post illa felicitatis momenta valetudo mirum quantum detrimenti cepit, ut nec hodie perfecte valentem

tem invenias quemquam , sanos paucos , ægrotantes plurimos , omnes morti ac mutationi obnoxios . Mens etenim à Deo sejuncta & corpori subdita post-habito veritatis oraculo perversos affectus suos consulit , & cupiditatibus auscultat , ad sanitatis exitium : neque sensus officio tam fideliter amplius funguntur , quin aliquando vitam hallucinatione perdant , patentem animi vitio injuriis omnibus . Adeoque in

7. hac calamitate maxime opus est medicina , nec fortunata civitas aut gens quæ caret medicis , quibus va-

letudinem committat . || Sanitate autem hominem

nunc frui dicimus quando & animus illi utcunque tranquillus est , & corpus legitime dispositum ac temperatum , ita ut re hortante facile ac concinniter edere possit omnes motus & actiones , cum ad sui conservationem tum speciei propagationem divinitus institutas . Contra ægrotare , simul ac animi inquietudine agitatus , corpore vitioso aut male temperato , requisitas operationes exercere nequit , vel cer-

8. te perficit cum difficultate & molestia . || Quem-

admodum igitur mentis tranquillitatem corporisque integritatem conservantia omnia sanitati fomento sunt , ita morborum causæ fiunt quæcunque animum perturbant & corporis machinam temperiemque bonam corrumpunt . Nam propter animæ jugum & penitissimam cum corpore consuetudinem fieri non potest quin menti adversa & ingrata corpus quoque pervertant , idque tanto magis & gravius quanto animum afficiunt vehementius & diutius . Viceversa corpus etiam animæ mala tradit sua sape-

9. que mens à corporis infirmitate ægrescit . || Quin-

imo adversæ corporis valetudini ferme adjunctus est dolor , peccati pœna . Postquam enim anima cor-

pori se submisit, quod ipsa regere debuisset, quid-
quid nervosas partes vehementer percellit ac lanci-
nat, sic ut inde machina vel tota vel ex parte de-
strui periclitetur, id non ægre ferre non potest in-
hærens anima, quæ sola doloris capax existit, ob ad-
missi peccati conscientiam. Caput hercle, pectus,
venter, brachia, pedes, & alia membra, dolere per-
peram aut impropre vulgo dicuntur. Quo vero in-
tensior dolor, hoc corporis affectio major est & pe-
riculosior. Sed & quanto quis leviore de causa ma-
gis indolescit tanto animus ejus corpori & corporeis
rebus omnibus addictior hærere subsumitur: cordati
enim viri atque philosophi, quibus cœlum & virtus
curæ, non perinde dolitant ac terræ mancipia, quin
natum è gravi & inevitabili incommodo dolorem
placide perferunt tandemque superant. || De cæte-
ro mens humana per naturam suam medium quasi
tenet inter creatorem & res corporeas: nihil enim
illa sublimius nisi unus Deus, nihil infra eam est præ-
terquam corpora; & quanquam unita sit corpori,
perturbari tamen aut affligi nequiret, si compos foret
integritatis quam divinitus accepit. Quamobrem
commotionum animi, quibus secunda valetudo sæ-
pe concutitur, princeps causa est rationis à summo
ente abalienatio & conspiratio penitissima cum cor-
pore, quam in primis fovent libidines & voluptates
obscœnæ, sic ut liberior harum fruitio sanitati vim
inferat maximam & labem conscientiæ. Tranquil-
litatis autem fundamentum est conciliatio mentis
cum Deo, fomes studium virtutis & sapientiæ.
ii. || Jam porro cum in corpore humano duplicis ge-
neris materia observetur, solida nimirum seu com-
pacta & fluida sive soluta, affirmamus aptam disposi-
tionem

tionem in illa secundum naturæ ordinem se habente consistere, in hac temperiem. Temperamentum igitur quia situm est in fluido facile immutari posse censetur, at solidarum partium dispositio citra sanitatis discrimen alterationem nullam sustinet. Enim vero ubi semel configuratio & unitas membrorum perit machina protinus jacturam faciens ægrotat.

12. || Morbi isti congrue vocantur organici ; cæteros, qui in fluido nidulantur, intemperiei morbos apposite dixeris. Ast cave credas intemperiem dari sine materia aut qualitates sine subiecto. Illud autem certum est ex intemperie sæpius pullulare morbos organicos, dum fluidum partibus solidis labem affricat ; & vicissim ex organicis morbis nasci intemperies, quando solidæ partes fluidi motum atque per-

13. fectionem obturbant. || Deinde constat etiam intemperiei morbos tot constituendos esse quot numerantur fluidorum species & differentiæ. Datur ergo intemperies spirituum animalium, chyli, sanguinis, lymphæ, salivæ, bilis, semenis, lactis, & si quæ sunt alia id genus fluida : cerebri vero, ventriculi, cordis, hepatis, lienis, cæterorumque membrorum & viscerum intemperies nulla datur, si absit præjudicatio.

14. || Porro fluidorum temperies pendet à particularum ea componentium proportionata magnitudine, & motu idoneo ad sui & corporis universi conservationem. Intemperies vero ab earundem particularum incongrua magnitudine, inepta configuratione, & perverso motu oritur, tendente ad sui &

15. corporis universi destructionem. || Est autem fluidorum motus duplex ; intestinus sive insitus unus, proveniens à materia subtili singulas particulas sic agitante ut fluidæ permaneant, adventitius alter, qui

univer-

universæ fluidorum copiæ imprimitur : idque vel à solidis machinæ partibus , vel ab anima , vel ab obiectis extraneis . || Similiter etiam solidæ partes bene dispositæ dicuntur quando & integræ sunt ita ut nihil deficiat aut redundet , & rite conformatæ , & poris atque meatibus necessariis perviæ , & probe unitæ , & conveniente motu præditæ ; qui potissimum duplex observatur , naturalis sive jugis & voluntarius seu alternus . Uterque tamen instrumentis cietur congenibus , nempe muscularis : quorum proinde in numerum omnino referendum diaphragma , cor , nec non gulæ ventriculi & intestinorum aliarumque partium nonnullarum fibræ . E contrario morbi organici existunt ubi manca est partium integritas , vel prava & monstrosa conformatio , vel impedita pororum ac meatuum libertas , vel unitatis solutio , vel motus anomalia , quæ vocatur convulsio . || Cæterum motu solidam fluidamque corporis substantiam absumente , ne individui salus periclitaretur , alimentis jaætura quotidie sacerienda , neve species non multiplicaretur conjugium insuper adhibendum fuit . Quem in finem Deus & appetitum hominibus infavit & sensus addidit , quorum impulsu congrua secentur noxiaque fugerent . Congruunt autem quæ appetitui & sensibus placent , nocent quæ displicant . Quare in iis quæ ad sanitatem & vitæ conservationem atque speciei propagationem pertinent non consulenda ratio , sed utique sensibus obtemperandum est , officio quippe suo strenue fungentibus ita ut corrupcio hominis nullibi minor appareat . || Quæ cum ita sint corporeis creaturis omnibus per naturam devinctum hærere corpus hominis quis inficiabitur , & præcipue iis quæ ad ipsius sustentationem faciunt ? Sed

creatu-

creaturæ istæ uti mutationibus & ipsæ sunt obnoxiae
ita sanitatem quoque varie afficere ac alterare pote-
runt, imprimis si qua pristina earundem substantia
immutata & corrupta est, vel aliunde accesserunt ad
illam venenatæ particulæ quibus bona valetudo de-
struitur. Hac sane ratione infectus aër cœlique in-
temperies coinquinat sanguinem & ex elemento spi-
rabili genitos spiritus animales, perinde atque adul-
teratus aut natura sua impurus cibus & potus chylum
19. reliquosque humores vitiat. || Aër autem cætera-
que alimenta vitam eatenus sustentant, quatenus
composita sunt ex particulis ad fovendam fluidorum
temperiem & conservandam solidarum partium con-
figurationem in corpore humano accommodatis.
Quapropter cum hominum temperamenta varient,
omnium palato non æque arrident eadem ciborum
potuumque genera: quin sæpe contingit ut quæ uni
prosunt alteri noceant, nec virili ætati amplius fa-
piant quæ placuerunt infantiae. Et multi sane me-
lius valerent si in capiendo cibo & potu sensuum
propriorum dictamen sequerentur potius quam ex-
emplum & consuetudinem aliorum, vitarentque im-
primis multiplicem illam eduliorum exquisite præ-
paratorum varietatem & haustus immanes potuum in-
ebriantum. Quippe gulæ intemperantiam artes istæ
magis produnt & defectionis nos arguunt, neuti-
quam ingenium sedulitatemve commendant, quid-
quid oblatrent alij. || Deinde ad sanitatis conserva-
tionem vitæque tutelam prodest etiam homini indi-
tus à Deo motus & quies, somnus & vigiliæ, juxta
constantem dierum ac noctium vicissitudinem.
Quamvis autem omnes sensu polleamus tanta tamen
agilitate aut circumspetione hodie nemo reperitur

quin aliquando iectu, casu, saltu aliisve injuriis externis oblaesus damnum accipiat aut à vehementi cursu, labore & exercitatione corporis lassescens ægrotet. Nimia enim commotio fluidam substantiam enormiter dissipat & exhaurit, partiumque solidarum robur fractis fibris enervat. Ex adverso torpescunt otio intempestivo & flaccescunt marcescuntque omnia. Somnus denique & ipse in vigilias pertinaces aut soporem degenerans morborum autor existit. Atque adeo quæ ad tuendam bonam valetudinem di vino munere hominibus concessa fuerunt, si perpetram nec sensibus congruenter adhibentur, in morbum præcipitant. || Quin detrimentum etiam prospera valetudo sæpe capit in utero, antequam homo nascitur. Propter arctissimam enim matris cum embryone copulam & necessitudinem, licet animæ separatae sint, fœtus tamen cum & fluida substantia materna viicit & præterea sentiat ea omnia quibus matris imaginatio ac sensus afficiuntur, fieri omnino potest ut in tenello corpore, dum prima vitæ stamina ducuntur, intemperiei morbi organicque pullulent, & in posteros quoque deriventur parentes torquentia mala. || Sunt denique vitæ genera pro educationis, studiorum, professionum & opificiorum diversitate varia ac res aliæ immuneræ, quæ valetudinem humana confirmare aut immutare valent, de quibus animus non est in meditatione hac sigillatim & scrupulose differere, quippe eo duntaxat collimante ut sanitatis morborumque natura & ortus in primis fontibus detegatur; quandoquidem & artis & medici rationalis intersit genuinas & veras, hoc est claras atque distinctas, valetudinis humanæ causas & fundamenta nosse, nec aliter agere aut judicare velle quam naturæ

naturæ ordo & rerum evidētia permittit. Ne ergo effugium quærere videamur principiis istis simplicibus ac generalibus nixi singulorum morborum ægreditinumve rationes reddere petentibus neutiquam detrectamus , quas scriptis nunc mandare instituti
23. non est. || Jam colophonem addamus. Quo maje-
rem anatomiæ peritiam medicus sibi comparavit eo
valetudinem hominum percurabit melius & concin-
nius, si cætera quoque in promtu habet ad facien-
dam medicinam necessaria , qualia sunt imprimis
chirurgia & pharmacia sive Chemia, telorum quibus
adversa valetudo abigitur bina promtuaria. Tenen-
dum vero & hoc, medicamenta non operari nisi ra-
tione configurationis particularum suarum & motus,
quem illis solutis materia subtilis imprimit. Imo
pauxillum quoque veneni hominem ideo brevi tem-
pore interimit, quia particulæ ejus acuminatæ & per-
nici motu præditæ maximam vim obtinent ocyus
dissolvendi fluidorum temperiem & vastandi univer-
24. sam machinam. || Manifestum igitur est valetudi-
nis humanæ curatorem eum demum fore optimum
qui experientia sola non fretus ipse præterea particu-
larum configurationes cum in alimentis tum medi-
camentis ingenio subtili dignoscit atque rimatur, ut
sciat num adhibita congruum an incongruum mo-
tum sint in corpore paritura. Tantæ molis est scite
curare humanam valetudinem. Vim autem sibi in-
ferre creduntur, quotquot mulierculis & medicastris
valetudinem committentes intereunt ; conscientiam
lædere , qui impostoribus agyrtis & circumforaneis
auscultant ; honestatem floccifacere, qui missis me-
dicis carnificem consulunt ; denique pietatem eju-
rasse, qui moto Acheronte diabolum aut maleferia-
tos

tos homines implorant. Quam vero rationem Deo
reddent qui nulla scientia imbuti rem sacram divi-
namque profanant, vel medici titulo superbientes li-
cet valetudinem tamen quam curandam aggrediun-
tur ignorant; & negotium tam arduum, quam quod
est maxime, impuris manibus lucri quam sa-
lutis mortalium cupidiores tractare
non erubescunt?

F I N I S.

